

**SERVIZO DE
XUVENTUDE**

**CONCELLERÍA DE TURISMO
E XUVENTUDE**

**CONCELLO
DE VIGO**



CONVENIO DE COLABORACIÓN ENTRE O CONCELLO DE VIGO E A DIOCESE DE TUI-VIGO PARA A CESIÓN COMPARTIDA TEMPORAL E GRATUÍTA DO ESPAZO DA “CASA RECTORAL DA PARROQUIA DE S^a MARÍA DE VIGO.

Expte 10.339-336

En Vigo , a ___ de _____ de 2026

REUNIDOS

DUNHA PARTE, **A Concellería de Xuventude do Concello de Vigo (en adiante CONCELLERÍA) con (CIF P3605700H) e, no seu nome e representación Dna. Ana María Mejías Sacaluga**, A Concelleira da Área de Goberno de Emprego, Patrimonio, Tecnoloxía E Relación coas empresas, Turismo e Xuventude (*Resolución de Alcaldía de data 25/09/2025, BOPPO nº 186 do 30/09/2025*),

E DOUTRA, **D. JESUS MARTINEZ CARRACEDO, ECÓNOMO DIOCESANO**, con DNI: 7676898257B actuando na súa condición de Ecónomo Diocesano da Parroquia de Santa María de Vigo e representante da Diocese de Tui-Vigo,

MANIFESTAN

1.- Que a Diocese católica de Tui-Vigo é titular en pleno dominio e libre de cargas e gravames do edificio coñecido como Casa Rectoral da parroquia de St^a María de Vigo situado entre as rúas caracol e San Vicente e con fachada á rúa Mendez Núñez Nº 3, Vigo.

2.- Que o Concello de Vigo, en desenvolvemento da lexislación de réxime local, como entidade pública local de carácter territorial asumiu competencias relativas a servizos culturais e de ocupación do tempo libre, materia na que o municipio poden asumir competencias a tenor do disposto nos artigos 25.2.m da Lei 7/1985, do 2 de abril, de bases de réxime local e o artigo 80.2.n da Lei 5/1997 do 22 de xullo, de administración local de Galicia.

3.- Que o Concello de Vigo ofrece servizos de carácter permanente dirixidos as familias da nosa cidade denominado **Espazos de dinamización infantil** e que van destinados a nenos e nenas dende os 4 e ata os 12 anos de idade. O obxectivo fundamental destes espazos é a conciliación familiar e son espazos lúdico-educativos que empregan o xogo e o xoguete para procurar o desenvolvemento integral das nenas e dos nenos.

4.- Que as accións de dinamización infantil e xuvenil desta Concellería son desenvolvidas nas infraestruturas municipais dispoñibles. Estas actividades se incrementan cada ano para responder á demanda da cidadanía e precisan para o seu desenrolo de novas infraestruturas.

5.- Que para o adecuado desenrolo do servizo son necesarios como mínimo os seguintes espazos:

- Espazo/s para mesas e cadeiras e almacenamento dos xoguetes, neste espazo desenrolaranse as actividades para un cupo máximo de 50 participantes diario.
- Espazo recepción dos e das menores.
- Servizos sanitarios con adaptación a discapacitados físicos.

**SERVIZO DE
XUVENTUDE**

**CONCELLERÍA DE TURISMO
E XUVENTUDE**

**CONCELLO
DE VIGO**



- Servizos de electricidade, agua e telefonía.

Ao efecto as partes recoñécense mutuamente capacidade legal suficiente e,

ACORDAN

PRIMEIRO: OBXECTO E FINALIDADE.

- Constitúe o obxecto do presente convenio a cesión temporal e gratuíta compartida do espazo da Casa Rectoral da parroquia de St^a María de Vigo entre o Concello de Vigo e a Diocese de Tui-Vigo co fin de ubicar o desenrolo de actividades de dinamización infantil de carácter público.

- O Bispado da Diocese de Tui-Vigo cédelle ao Concello de Vigo o uso do inmovible situado entre as rúas caracol e San Vicente e con fachada á rúa Mendez Núñez Nº 3, Vigo, para destinalo aos fins manifestados no parágrafo anterior.

SEGUNDO: USOS COMPARTIDOS

- Os citados usos compartiranse coa Igrexa para a atención das necesidades parroquiais que se detallan de seguido:

a) O Concello disporá do pleno uso e desfrute da **planta baixa da Casa Rectoral** en todo o seu volume habitable, durante os días lectivos da semana (de luns a venres) en horario de tardes de 16hs a 20,30hs e polas mañás de 7,45hs a 15,15hs, soamente cando sexan vacacións escolares segundo o calendario escolar oficial e tamén, no mes de xullo como campamento urbano integrado no programa de verán xove da Concellería de Xuventude.

b) Durante as fins de semana e días festivos a Igrexa disporá da Casa Rectoral que precise para as actividades parroquiais que así o demanden ou lle sexan requeridas.

TERCEIRO: DURACIÓN

- A duración do presente convenio estipúlase por un prazo de **12 meses** dende a sinatura do mesmo e **podería ser prorrogado de común acordo** nas condicións e termos que conveñan a ámbalas dúas partes.

CUARTO: COMPROMISOS DO CONCELLO DE VIGO E DA DIOCESE DE TUI-VIGO NO DESENVOLVEMENTO DA COLABORACIÓN.

- Con arranxo á referida colaboración, o Concello de Vigo a través da Concellería de Xuventude, comprométese a usar os espazos cedidos exclusivamente ao fin mencionado no presente convenio.

- A Diocese de Tui-Vigo comprométese a que o edificio reúne as condicións de salubridade e seguridade adecuadas para o desenvolvemento da actividade .

- O Concello de Vigo, unha vez posto en funcionamento o presente convenio, asumirá os gastos derivados da limpeza diaria durante a celebración das actividades estivais enmarcadas dentro do programa Verán Xove 2026 a través do expte. 10359-336 (CONTRATO MENOR DE SERVIZOS para limpeza e adecentamento dos espazos dos Campamentos de Alcabre, San Paio de Navia e Casco Vello dentro do Programa Verán Xove 2026)



que cubrirá estes servizos a desenvolver neste espazo.

- En todo caso o destino do inmovible acomodarse unicamente para aqueles usos e servizos públicos permitidos pola normativa de aplicación.

- Así mesmo, durante as actividades que se celebren o Concello asume o seguro de accidentes que está contemplado no expte. 10.317-336/ " 3ª PRÓRROGA PROGRAMA VERÁN XOVE: ACTIVIDADES DE CONCILIACIÓN FAMILIAR "(Expte relacionado : 9643-336.) para as actividades estivais integradas dentro do citado programa.

QUINTO: CONDICIÓN DA CESIÓN DO ESPAZO E OS EQUIPAMENTOS.

A cesión de uso dos espazos someterase ás seguintes condicións:

- O Concello de Vigo deberá adoptar as medidas pertinentes para garantir a conservación, mantemento e demais actuacións que requiran o correcto uso e utilización do espazo obxecto de cesión.
- O Concello de Vigo responderá dos danos que puidesen ocasionarse por un uso inadecuado das instalacións utilizados en virtude do presente Convenio, así como da responsabilidade civil derivada do uso dos mesmos e da actividade levada a cabo polo seu propio persoal.

SEXTO: RESOLUCIÓN E DESISTENCIA.

- Son causas de resolución do presente Convenio, en función do establecido no art. 51 da Lei 40/2015, de 1 de outubro:

- O transcurso do prazo de vixencia do Convenio sen haberse acordado a prórroga do mesmo.
- O mutuo acordo das partes asinantes, manifestado por escrito.
- O incumprimento dalgunha das partes das súas obrigacións nun período de trinta días a partir da notificación escrita pola outra parte, neste caso pode resolver unilateralmente o presente Convenio.
- Por decisión xudicial declaratoria da nulidade do Convenio.
- Por calquera outra causa distinta das anteriores prevista no convenio ou na lexislación vixente.

SÉTIMO: NATUREZA XURÍDICA E XURISDICIÓN APLICABLE AO CONVENIO.

- O presente convenio ten natureza xurídico-administrativa e, de conformidade co disposto no artigo 6.2 da Lei 9/2017, de 8 de novembro, de Contratos do Sector Público, atópase excluído do seu ámbito de aplicación, sen prexuízo de aplicar os principios desta Lei para resolver dúbidas e lagoas que puidesen presentarse.

- O réxime xurídico aplicable ao mesmo é o establecido nos artigos 47 a 53 da Lei 40/2015, de 1 de outubro, de Réxime Xurídico do Sector Público.

- Ademais, é de aplicación a seguinte normativa:

- Lei 33/2003, de 3 de novembro, de Patrimonio das Administracións Públicas.
- Regulamento de Bens das Entidades Locais, aprobado por Real Decreto 1372/1986, de 13 de xuño.

- Aplicaranse igualmente os principios da Lei 9/2017, de 8 de novembro, de Contratos do sector Público, para resolver as dúbidas e lagoas que puidesen presentarse, ao amparo do disposto en os artigos 4 e 6.2 de devandita Lei.

**SERVIZO DE
XUVENTUDE**

**CONCELLERÍA DE TURISMO
E XUVENTUDE**

**CONCELLO
DE VIGO**



- Corresponderá a a Xurisdición Contencioso-Administrativa o coñecemento e resolución de cantas controversias pódase suscitar entre as partes en canto a efectos, interpretación, modificación, resolución ou cumprimento do convenio, sen prexuízo das funcións atribuídas a a Comisión de Seguimento.

OITAVO: EFICACIA.

- O presente Convenio será eficaz dende a firma do mesmo polas partes.

E en proba de conformidade con canto antecede, as partes subscriben o presente acordo no lugar e data que constan ao comezo deste documento.

**D. JESUS MARTINEZ CARRACEDO ECÓNOMO
DIOCESANO,**

A Concellería de Xuventude do Concello de Vigo (en adiante CONCELLERÍA) con (CIF P3605700H) e, no seu nome e representación Dna. Ana María Mejías Sacaluga, A Concelleira da Área de Goberno de Emprego, Patrimonio, Tecnoloxía E Relación coas empresas, Turismo e Xuventude (Resolución de Alcaldía de data 25/09/2025, BOPPO nº 186 do 30/09/2025),